

أبيات لا تنسى

أجمل ما قرأت.. وأشهر ما سمعت من أبيات
في الشعر الشعبي

نايف الحداري

٢٨٤١ هـ مكتبة العبيكان

فهرسة مكتبة الملك فهد الوطنية أثناء النشر

الحداري، نايف مطلق

أبيات لا تنسى - أجمل ما قرأت وأشهر ما سمعت من أبيات في الشعر الشعبي./ نايف بن مطلق الحداري.- الرياض، ١٤٢٨هـ.

١١٢ ص؛ ١٤ × ٢١ سم.

ردمك: X - ٢٥٣ - ٥٤ - ٩٩٦٠

١ - الشعر الشعبي السعودي

أ - العنوان

١٤٢٨ / ٢١٢٧

ديوي ٨١١,٠٩٥٥٣١

رقم الإيداع: ١٤٢٨ / ٢١٢٧

ردمك: X - ٢٥٣ - ٥٤ - ٩٩٦٠

الطبعة الأولى

١٤٢٨هـ / ٢٠٠٧م

حقوق الطباعة محفوظة للناشر

التوزيع: مكتبة العبيكان
Obeken

الرياض - العليا - تقاطع طريق الملك فهد مع العروبة

هاتف ٤١٦٠٠١٨ ٤١٦٥٤٢٤ / فاكس ٤٦٥٠١٢٩

ص.ب ٦٢٨٠٧ - الرمز ١١٥٩٥

الناشر: مكتبة العبيكان
للنشر Obeken

الرياض - شارع العليا العام - جنوب برج المملكة

هاتف ٢٩٣٧٥٧٤ ٢٩٣٧٥٨١ / فاكس ٢٩٣٧٥٨٨

ص.ب ٦٧٦٢٢ - الرمز ١١٥١٧

لا يسمح بإعادة إصدار هذا الكتاب أو نقله في أي شكل أو واسطة، سواء أكانت إلكترونية أو ميكانيكية، بما في ذلك التصوير بالنسخ «فوتوكوبي»، أو التسجيل، أو التخزين



مقدمة

الحمد لله والصلاة والسلام على رسول الله..

أبيات لا تُنسى.. هي أبيات تمثل خلاصة الأدب الشعبي في الجزيرة العربية.. لا تمر على الذاكرة دون أن تترك أثراً.. فهي تحتوي على قوة المعنى.. ووضوح العبارة.. وجمال الفكرة.. وروعة التعبير.. وتعتبر خليطاً من روائع شعر الحكمة والموعظة والفخر.. وأجمل ما قيل في الغزل..

أبيات لا تُنسى.. أبيات غدت أمثالاً.. تعتبر باقة جميلة وعطرة من أعذب الأبيات.. التي رددتها الألسن.. وتناقلتها الأجيال..

ولم تأت فكرة هذا العمل وليدة صدفة أو لحظة عابرة.. بل كانت الفكرة تعيش في داخلي وتنتظر أن تتحول الى إصدار أدبي يترجمها.. وقد ظلت هذه الفكرة تستوطن الذاكرة وتُعلن عن رغبتها في الخروج على شكل عمل أدبي اخترت له اسم "أبيات لا تُنسى" .. ليعكس هذا الاسم حقيقة تلك الأبيات التي يزهو بها هذا العمل..

وفي زمنٍ قلَّ فيه الإبداع.. وكثر فيه الغث والسمين.. أراد المؤلف أن يكون هذا الإصدار بمثابة العودة إلى الشعر الأصيل.. والإنتاج العذب.. والذي يرتقي بالذائقة الشعرية لدى القارئ..



وقد استغرق هذا الجهد ما يقارب العامين.. اطلع فيها المؤلف على الكثير من الدواوين الشعرية والمؤلفات في الشعر الشعبي.. بالإضافة إلى الصفحات والمجلات الشعبية المتخصصة.. ومواقع الشعر على شبكة الإنترنت..

ويحتوي هذا الكتاب على أبيات لشعراء قدامى ومعاصرين ممن أسسوا لهذا الأدب في الجزيرة العربية.. كما يحتوي على أبيات لشعراء من العصر الحديث ، والذين ساهموا بالحفاظ على جمال الشعر وأصالته..

وفي الختام.. أتمنى أن يجد القارئ الكريم في هذا الإصدار ما ينال رضاه ويحوز على إعجابه.. وللجميع صادق الود والاحترام..

نايف الحدادي/الرياض

٢٧ / ٤ / ٢٠٠٧ م







اضرب على الكايد إلى صرت بحلان

وعند الولي وصل الحبل وانقطاعه

عبيد الرشيد

امنول يا ذيب تفرس بأياديك

واليوم جا ذيب عن الفرس عداك

بركات الشريف

أحد على جاره بختري ونوار

واحد على جاره صفاة محيفه

مقحم النجدي

التايه اللي جاب بصري يقنّه

جدد جروح العود والعود قاضي

بصري الوضيحي

البارحه الدنيا عليه فضاها

أضيق من الأبرة على ناظم السلك

ذعار الفريدي



أحدِ يداور بالردى بنت عمه

وأحدِ يدور ستر عذرا عوانيه

بنيدر بن سرور

البدوريف القلوب المشقاء

إليا قيل عقب أقضايهم جو مقابل

ناصر التميمي

البدو غريال القلوب المشافيق

ياما عديت بدريهم وافختوني

مرشد البذال

الزين ما يدقم شبات السناني

والشين ما يقصر يدين يطولن

محمد بن سعود

أحدرك خلان الرخا عدهم قوم

خلان من دامت نعيمه ودامي

محمد القاضي



الأيام هي الأيام ما زاد عدها

هذي لياليها وهذي شهورها

محمد العوني

البرد جته والبحر رحت يمه

أدرج سبب حظ على الله مساعيه

بنادر بن سرور

النفس طير والخطايا محابيل

والناس رَوّاي الحديث تحكي به

بنادر بن سرور

الله من قلب دبل كبد راعيه

قام يتدّرّق مثل شمس المراتي

ضاري الرشيد

الحمد لله ما عشقت الرعابيب

مدري طبع أو مبعدتني قلاعه

شليويح العطاوي

الخيـل عـقـب عـبـيـد ما به نـمـارـه

وـش عـاد لـو راحـنْ وـش عـاد لـو جـنْ

ضيف الله بن حميد

المـدح لـو يـشـرى شـرـيـنـاه بـا كـيـاس

و بـامـوالـنا نـرـخـص نـدور الـسـتـيرـه

دياس اللدباس

أربـع بـنـا جـر فـي يـد المـزـيـون

تـوّه ضـحـي العـيـد شـارـيـها

محمد بن علوش

إلى اجـتـمـع زـين وفـعل بـيـاني

لـذـة نـعـيم بـالـحـشـا لا تـوافـنْ

محمد بن سعود

الـله أكـبر يا زـمـانـي وانا وـش بـيـدي

كـل ما عـدـلت وـاحـد يـمـيل الـثـانـي

فهد بورسلي



أرسلت لك يا عزوتي كم مرسول

وابطاً جوابك يا حبيبي عليه

محمد السويلم

الناس طلعت على سطح القمر

وأنا معك ما قدرت أوصل إليك

محمد الجنوبي

العي عي لين يبلشك وهو عي

فإلى بلش وابلشك كب المعايا

مناحي الهيفل

الحق ظلما والمصقل دليله

ولا تنقضي حاجات من يتبع الهون

ظاهره الشرارية

الجمري ميسي كالخلاص اشتعاله

ويصبح رماد خامد طافي بال

محمد القاضي

إن كان تنشد يالهيويدي عن الطير

الطير والله يالهيويدي غدالي

شالحي بن هلال

إن قلت الوزنه وربعي مشافيح

أخلي الوزنه لربعي واشومي

شليويح العطاوي

المال يحيي رجال لا حياة بها

كالسيل يحيي الهشيم الدمدم البالي

بديوي الوقدان

الله نشد يا حمود عن معرفة يوم

وهذي ثمان سنين يا حمود جيران

مفضي الحربي

إن جاد حظك باع لك واشترالك

فوايده من كل الأبواب تاتي

محمد بن عون الشريف

الأجواد مثل البدر في ليلة الدجا

والأنذال ظلما تايه من سرابها

محمد المهادي

الحرّ ميقاعه على روس الشخانيب

ياللي عليك طيور دارك تشابه

عبد الله بن صقيه

المرجل ما تهيا هالسويّا

كود من عض النواجذ في سنونه

عبد الله القريفة

البدو واللي بالقري نازلينا

كل عطاه الله من هبة الريح

بداح العنقري

أمل الوجار واخلوا الباب مفتوح

خوف المسير يستحي ما ينادي

محمد بن شلاح

المال دايماً صاحبه مرتفع فوق

والقل خايب لو ترفعت يرخيك

بديوي الوقداني

المال ما طيب عضون الرجاجيل

والقل ما يقصر براعي المروء

هيا العياده

العُود يوم انه يجيب العيالي

يبغى بتال العمر لذه وطرباه

عبيد الأسعدي

اللي يبيننا عيت النفس تبغيه

واللي نبي عجز البخت لا يجيبه

نوره الهوشان

إن مت في دافي حشاه ادفنوني

في مستكن الروح ما هوب برا

دخيل الله اللاجيما



النوم راس اللوم بان الردى به

عين تبا النوماس نومه شلافيح

مريد/العدواني

إن كان ما تاقف على العد برشاك

ماكف غيرك والتقاطيش ترويك

سالم/الحميد

اعرف ترى مكه لو ولاها ابناخيك

لو تطلبه خمسة دنانير معطاك

بركات الشريف

الحنظله لوهي على شاطي النيل

زادت مرارتها القديمه مراره

عبدالله/اللوحيان

السيل يا سدره الغرمول يسقيك

من مزنة هلت الما عقربيه

سرور الأطرش

اليوم يا عيني علامك ترفّين

ولا انتي على العاده بنثر الدموعي

صقر النصافي

المرجله بنت هنوف ستيره

كل يبيها مير من دونها كود

سليمان بن شريم

الله على وقت مضى مهو هالحين

أعسر علي اليوم من حب كوعي

صقر النصافي

الله يعدّها عن الضلع والميل

والا يميلها على الناس مرّه

خضير الصعيليك

إن كان مالفتي فعل يماريه

ما ينضعه قولة أبواني وجداني

عبد الله بن شيبان



إن متّ في شارع فؤاد ادفنوني

يا طاماً على قبوري بناتٍ مزاين

عبدالله اللويحان

برقِ مصدٍ عنك لو كان به نور

بألك تخيله لو ربيعك شفاقه

اللاقيس

ترى رزقٍ غيري يا ملا ما ينولني

ورزقي يجي لو كل مخلوقٍ يحايله

حجرف النويبي

تلوع القلب بغناها حمامه

تغني فوق نايفات العدامه

ابن رزيحان

ترى الهوى والغى هن شر الأشرار

ومن داس عار الناس داسوا لعاره

تركبي بن حميد



ترى حالات الهوى لا طالت المده

ما هوب يوم صديق ويوم قوماني

سليمان بن شريم

تجري بي الأقدار من دون ما اختار

واصبر ولو بانث علي الهزيعة

حجاب بن نحيت

تاعد ولا تافي ولا تقطع الرجا

ولا في يدي مما تقول ضويل

جري الجنوبي

ترى السوائف يا ذهاب الرجالي

تسمح اليها عرضت على غير أهلها

محمد بن مسعر القحطاني

تقولون دنيا علينا تغيرت

تغيرتم أنتم ما عرفتموا غيورها

محمد العوني



حبه يخلج القلب ما يوجع اوجاع

لا شك قلبي مودعه بيت نمله

فهيدي الجماع

حالف ما أنسى حب ساره

كود أهل شقراء يخلون الصلاتي

محمد بن حصيص

حج الحجيج وكلهم له يلبون

وأنا بدار مورد الخد لبيت

محسن الهزاني

حياة بلا عز محا الله حظها

حياة الفتى ما فاتها العز خايبه

راشد الخالوي

خلاص من حبكم يا زين عزلنا

ما عاد لي في هواكم شف أو راده

محمد الجنوبي

خطو الولد مثل البليهي إلى ثار

زود على حملة نقل حمل أليفه

مقحم النجدي

خمسة عشر فنجال لحنيف صببت

لو ان بطنه قربة قد ملاها

ناصر العبد الكريم

دنيا تفرق بين غالي وغالي

لو شفت منها ربح ترجع للافلاس

محمد الاحمد السديري

رفيقي اللي مصافيني على الشدة

ولا الرخاء واجد ربعي وصدقاني

سليمان بن شريم

روحي وانا راكان زين الونيه

ما يشرب العقبات كود الهداني

راكان بن حثلين



سرى البارق اللي له زمانين ما سرا

صدوق المخايل بارقه يجذب الساري

سليمان بن شريم

سقى غيث الحيا مزن تهامى

على قبر بتلعات الحجازي

ابن لعبون

سلط على الدخان لو انه مضري

له حزة عند احتكام المصيبة

بنذر بن سرور

سلموا لي على اللي سم حالي فراقه

حسبي الله على اللي حال بيني وبينه

فهد بنور سلي

شد الشديد وصملوا واعذابي

وتفرق المقطان يا فج الأحباب

بطي أبو مفرس

شبعنا من عناهم وارتوينا

وعند رسوم منزلهم بكينا

محمد الفيحاني

شابت لحانا ما لحقنا هوانا

وعزّي لمن شابت لحاهم على ماش

فهد الخرينق

شبر من البيداء يعوضك الافزاع

وسود الليالي يبعدنك عن الضيم

سعدون العواجي

صاحبي لا هرج تشفق على هرجة له

من حلاوة كلامه كن هرجه يبيعه

سليمان الهويدي

صاحبي يلبس البرقع ما هي عادة له

ميرأخذ سلم جيرانه وصارت طبيعة

سليمان الهويدي



طرد النظر ما فيه عيبٍ عليه

أبا اتحلى بنت ماضين الأفعالي

بخيت/العطاوي

طول الجدار وقصرة الرجل نوماً

لا صار ما للرجل داع دعاها

مبارك بن رمال الشمري

عيبٍ على اللي يتقي عقب ما بان

ويرضى طمان النفس عقب ارتفاعه

عبيد الرشيد

عز الفتى رأس ماله من مكاسبها

يا مرتضى الهون لا عز ولا مالي

بلديوي الوقادني

عيسى يقول الحرب للمال نفاذ

انشد مسوي السيف هو ليش حانيه

عبد الله بن رشيد

غديت مثل معايد القريتينى

لا جبت خير ولا تبعت الرفاقه

خلف الأذن

فكرت والمكتوب ما فيه حيله

ليت الليالى علمتنى بالأقدار

سليمان بن حاذور

قمت أ توجد وجد من مات غاليه

قبره اقباله كل يوم يمره

بخت المديه

قالوا علىل ناكل داه برداه

قلت آه باقراي وروحي فديته

عبد الله بن سبيل

قصيرنا حشمته عندنا يوم

يزيد مع زايد سنينه وقاره

رميح الخمشي



قالوا تغزل قلت في شبة النار

اللي عليها حالقين الرجالي

محمد بن صلاح

قلبي يحب ملافحات السفيضة

نوم الخلا عندي مضاريب وفراش

فجحان الفراوي

كم واحد له غاية ما هرجها

يكنها لوهو للأدنين محتاج

محمد الأحمد السديري

كل ما هبت ذعاذيع الصباح

في مواردك القديمة قمت أنوح

محمد السيارى

كل ما دقيت في أرض وتد

من ردة الحظ وافتنى حصاة

ابن لعبون

كلّ نهار العيد عايد حبيبه

والتمّ شمل أهل القلوب المواليف

محمد الجنوبي

لا خاب ظني في الرفيق الموالي

مالي مشاريه على نايد الناس

محمد الاحمد السادي

لا تاخذ الدنيا خراص وهقوات

يقطعك من نقل الصميل البرادي

عبدالله بن سبيل

ليته كفاني سو بقعا ولا مات

وانا كفيته سو قبر هياي

شالح بن هادي

لو بغيت الشح درب الجود عيا

حالف ما أرضى لنفسي بالمهونه

عبدالله القريفة



لأما لقيت الباب قدمي مضمّوه

النفس به عن طقة الباب شيمه

عبيد الأسعدي

لولا شراب العظم يوم أنّي أملاه

أكويه بالجمره ويكوي جروحي

ذعار بن مشاري بن ربيعان

لولا ي أخلي كل سيل ومجره

ما صار لي عند النشامى شبوحي

سعد بن صبيح

لويشكى حبي على ذيب الأخماس

يسرح مع الطليان ما يجفلني

شرعان الرمال

ليت الركائب يا علي ما مشوا بي

عن ديرة المحبوب والرزق مكتوب

حمد الغلوث



لي ذكرت الليالي اللي مضت والصدّاقه

عود القلب يرجف مثل رجف المكينه

فهد بورسلي

لا تقول أسبق على العد الغدير

إن جهمت اركاب غيرك ساريات

مرشد البندال

لا زلت الفزعه عن الماقف الحار

وقت الرخا كل عقيد برايه

بلال الحويضي

لو تنصف الناس ما نحتاج للقاضي

تلقا المحاكم خفيضات مشاكلها

سليمان الهويدي

لو أن من يبكي يحصل مراده

كان اجتمعنا له جميع وبكينا

سليمان بن شريم



لاواهني النجوم اللي على خلي مناصير

عز الله أنه يطالعهن وهنّ يطالعنه

زبن بن عمير

لا ضاق صدري جبت نجر ومحماس

وادلال بيض غالي مشتراها

مشاري بن ريعان

ليته يبارينا على الهجن ساعه

حتى تعذر اوجيها لو غدن سود

شليويح العطاوي

لو المعاني تجي من كثر زين اللبوس

كان العذارى تهوش وتفتل أشنابها

محمد بن شلاح

من عاش ما حاش الثنا والجماليات

ودكّ يلبس ثوب أسود من الخام

محمد الأحمد السديري

ما يستشكّ يا حسين كود الرديين

ولأ ترى الطيّب وسيع بطانه

عبدالله بن رشيد

موتي عزيز عند الأجانب براً

اشوى ولا عند الرفاقه ذليلى

نمر بن عدوان

من شق شق يا اريش العين يرفاه

وانت الذي شقيت خافي ضميري

صقر النصافي

مثل ماكنت باقدامك تدوس الحرير

انت يازين باقدامك تدوس الملاح

سعود بن محمد

ما ذكر به حي بكى حي يا ذيب

واليوم أنا ببكيك لو كنت حياً

شالح بن هلال



ما قل دل وزبدة الهرج نيشان

والهرج يكفي صامله عن كثيره

راكان بن حثلين

من شق ستر الناس شقوا ستاره

ومن هك بالثرمان يضحك بلا سن

شالح بن هلالان

من لا يدوس الراي من قبل ما ديس

عليه داسوه العيال القرومي

تركي بن حميد

من لا يحوش المراحل في مقاديمه

ماحاشها عاد لاجا شايب فاني

عبدالله بن شيبان

ما يقدرن الجود سود الاطاريف

امشاركة بيض النساء بالحافي

بنبلد بن سرور

من لا يقلط شذرة السيف والكيس

يبدي عليه من الليالي ثلومي

تركي بن حميد

مرحوم يا ليلي مامشا بالملاما

جيران بيته راح ما منه يشكون

محمد بن مسلم

مریت بیتِ للمحبين مقفول

وجابتني قدره على حد بابه

سليمان بن خاذور

من لا استشارك لا تبديه بالشور

ومن لا يودك نور عينك فراقه

الدقيس

مقام الفتى في منصب العز ساعه

ولا ألف عام يحصب الذل جانبه

راشد الخلاوي

ماني وانا بندر بيع دمه

مقطعك يا بيع دمه ومهضيه

بنذر بن سرور

ماني بمن يطرد سراب بمضماه

شاف السراب ويحسب إنه غديري

صقر النصافي

ما ينرمي قول على غير نيشان

ومن لا يثبت حجه ويش هي له

بنذر بن سرور

ما هو كله زين لا شك أنا قلبي غرير

ومن تولى في حصاة كبيرة شالها

راشد العوليشير

من لاتعب قبل حل الشيب

دروب المشاكيل فاتنه

ماجد بن ربيعان

محا الله نفس تدرك الجود والشنا

ولاتبذل المعروف باقرب قريبها

عبد الله بن دويرج

ماني على زين الحكايا بخيلي

هرج على غير النشاما غثا بال

فجحان الفراوي

من طاع الثنتين يصبر على اللوم

يصبر على فرقا الأهل والعمامي

مسعود الهذال

ما تنفع الدنيا بلا شوف الأعيان

وعزي لمن مثلي عيونه عصاته

زياد الحرب

ماني مقابلها سواة الهديفه

إن كان ماني غازي رحت طرّاش

فجحان الفراوي



من تابع المشرق والكن والذرا

يموت ما حاشت يديه الفوايد

راشد الخلاوي

ما نيب هلباج على النوم نعاس

همه طعامه لين كرشه ملاها

مشاري بن ربيعان

من يتبع المقضي مرده بالافلاس

مثل الذي بالقريض يدفق صميله

عبد الله اللويحان

من مات عقب عبيد قلنا وداره

لا باكي عقبه ولا قايل من

ضيف الله بن تركي بن حميد

من كثر ما جريت واقبلت واقفيت

قولة هلا من لا يودك مهونه

بنيدر بن سرور

نعد الليالي والليالي تعدنا

العمر يفتنى والليالي بزياد

راشد الخلاوي

نومك طرب وانا بنومي هواجيس

ما ساهرك بالليل كثر الهمومي

تركي بن حميد

نحمد الله جت على ما تمنى

من ولي العرش جزل الوهايب

عبد الرحمن بن صفيان

واخير منها ركعتين بالاسحار

لا طاب نوم الي حياته خساره

تركي بن حميد

وارجلي الي ما تغشى على الجار

ولا أحدٍ شكا منها الدروب الردية

محمد بن عاتق الحارثي

وان هج من صيد الخلا ما يجفلي

ما هو بعيد ان الجوازي تتبعه

سليمان الهويدي

ولد النبته لو تمرجل ولو جاد

يدك به من ساس جده وداعه

فجحان الفراوي

ولا ضحك الا والبكا مردف له

ولا شبعة الا مقتضيها جوع

شكر الشريف

وربعك إلى بان الخلل فيك عافوك

أقرب قريب لك من الناس يشناك

سليمان بن شريم

والله لو انه والدتي مخليه

في والدي والله ما اطيع المشيره

ناصر الشغار



وإن جا خراب البيت من باب داخل

طاحت على شيآلها اللي يشيلها

محمد راشد منقود

ولا يفتخر من جاد جده وخاله

هي بالهمم لا بالرمم مثل ما قال

محمد القاضي

وان شفتلك زرع على جال مطراق

اخبر ترى ان اهل الهوى ساهجينه

جهن بن شرار

ومن لا يجود أول فلا جاد تالي

لا خطا سنان الرمح ما صاب تاليه

توفيق العلي السهلي

والله لولا الهرم والفقر والثالث الموت

يا لآدمي في الكون يا عظم شانك

محمد الأحمد السديري



والسالم الي كفّ خيرهُ وشرهُ

ومن لا يسوي خير ما جاء نايبه

راشد الخالوي

والمرجله بالك ترخي حباله

وبالك تعيل ولا تراخى لمن عال

خلف ابو زويد

والرجل اليا ضاقت لياليك سجها

عسى تواليا تبشر بالافراج

محمد الاحمد السديري

يا عل قصر ما يجيله ظلاله

ينهّد من عالي مبانيه للساس

محمد الاحمد السديري

يرزقني رزاق الحيايا بجحرها

لا خايلة برق ولا هيب حايله

حجرف الذويبي

يا كليب شب النار يا كليب شبّه

عليك شبّه والحطب لك يجابي

دغيم الظلماوي

يا مالك أنذك عن صحبة الديك

من صاحبه عاا معايات الأدياك

بركات الشريف

يا معدي المرقاب خله لمشتاق

حوّل وخلّ معدّب القلب يرقى

محمد الاحمد السلاوي

يا ونّة ونيتها تسع ونّات

مع تسع مع تسعين مع عشر ألوفي

سعدون العواجي

يوم كل من عميله تبراً

حطيت الأجر لي عميل أمباري

الإمام تركي بن عبد الله



يضحك اليا صكت عليه الطوابير

طير السعد قلبه من الخوف خالي

شالح بن هلال

يا ماحلا الفنجال مع سيحة البال

في مجلس ما فيه نفس ثقيله

راكان بن حثلين

يا نمر ما في صكت الباب مصلوح

ولا هي بلنا يا مضنة فوادي

محمد بن شالح

يا من يبشرني وأسوق البشاره

عسى على نجد حقوق الشخاتير

تركي بن مجيا

يا ناشد عني تراني شليويح

قلبي على قطع الخرايم عزومي

شليويح العطاوي



يا ذيب أنا بوصيك لا تأكلُ الذيب

كم ليلةٍ عَشَّاك عقب المجاعة

شالح بن هلال

يا ليت ربي ما خلق حبَّ وفراق

ولاً خلق حبٍ على غير فرقا

محمد الأحمد السديري

يا جرّ قلبي جرّ لدن الغصوني

اغصون سدر جرّها السيل جرّاً

دخيل الله الدجيم

يا علي صحت بالصوت الرفيع

يا مره لا تذبّين القناع

ابن لعبون

يدمح لي الطيب ثمانين زله

واللاش مانى عن زراياه دارى

شليويح العطاوي

يسبك الي عاجز عن دروبك

لا فاعلٍ فَعَلَكَ ولا هو مجنَّبُكَ

رشيد الزلامي

يا ربنا الي على الفطر الشيب

عزَّ الله انه ضاع منكم وداعه

شالح بن هلالان

يا الله أنا طالبك حمراً هوى بالي

لا رُوحَ الجيش طفاح جنايبها

فراج بن ريفه

يا ونة ونيتها من خوا الراس

من لاهب بالكبد مثل السعيره

راشد الدباس

يا حمامه غريبه عند باب السلام

شفت رسم الهوى بأطراف جناحانها

عبد الله اللويحان



يا حلو قولت هيش ياويش تبغين

أحلى من الورع المغاغي على امه

نوردهوشان

يا ذا الحمام اللي سجع بلحون

وش بك على عيني تبكيها

محمد بن علوش

يوم ونيت ما قالوا تهون

يا علي ودّهم لي بالعذاب

فهد بورسلي

يا بايعن جوخ على غير أهاليه

مثل الذي ينزل بقصر خرابه

مشعان الهذال

يمنى بلا يسرى تراها ضعيفه

ورجل بلا ربع على الغبن صبار

سجوان الرويس

يخطي الخطا غيري وانا فيه مقيود

وش زلتي يا وقت وشهو خطايا

محمد بن جاسم الفيحاني

يا عل قلب مايهوجس ويهتم

يكويه من بين المعاليق حامي

جمالء المريض

يا حمود أنا عارضي شابي

طرد الهوى جزت أنا منه

عبيد الرشيد

يا حسين ديران الجماعة مريفه

والي مع الأجانب كنه على نار

سجوان الرويس

يا عين وين احبابك الي تودين

الي إلى جو منزل رعو به

عبد الله بن سبيل

يا وجودي على مضمون عيني

وجد من طاح وارهابه عدوه

أحمد الناصر الشايع

يا بنت عيضي واحد ما يصلي

تارك عمود الدين مالك وماله

بنادر بن سرور

يا وهني من كلف الحج واوفاه

واقضن به العيرات رجد مع الريح

حويد العضياني

يا مل قلب كل ما مات همه

دارت دواليب الدهر لين تحييه

بنادر بن سرور

يا مل قلب يسج وفيه دولاجه

من واهج بالضمائر قام يدرجها

عبد الله بن عون



يا عل رجل عيشته قد حاله

عسى تدور زوجته فيه الابدال

خلف ابو زويل

يوم ولد اللاش رزقه على امه

رزقي على اللي ميت القشع يحييه

بنادر بن سرور

يا نوت عنا اضعونكم ليه شالت

يا حيف تم افراقنا يا حبيبي

عقاب العواجي

يا بنت يا لي عن حوالي تسالين

وجهي غدت حامي السمايم بزينه

شليويح العطاوي

يا صاحبي ما ني براعي مهاده

أما ارضني ولا اجفني واستخيرني

صقر النصافي



إلا واشيب عيني يوم قالو لي فمان الله

وحققت أنهم من عقب جمعاهم مقفيني

عبدالله الفيصل

احسب ان الرمش لا سلهم حنون

أثر رمش العين ما ياوي لحد

خالد الفيصل

إن شكيت من الهوى قالوا فضيحه

وإن سكت استنقضوا جرحي عليه

بلال بن عبدالحسن

أنا ما شعرت اني مع الناس قبل ألقاك

ولا ذقت للدنيا طعم قبل تلقاني

سعود بن بندر

إذا صفا لك زمانك علّ يا ظامي

اشرب قبل لا يحوس الطين صافيها

خالد الفيصل



استكثرك وقتي عليّ وغدا بك

عادة زماني كل ما طاب هوّن

خالد الفيصل

البارق اللي في دجى الليل وقّاد

من قال أنه ما لع من نحرها

محمد بن راشد آل مكتوم

اخطيت يوم أني طلبتك حنانك

لا صرت فاقد شيّ وشلون تعطيه

منادي

الله أكبر كيف يجرحن العيون

كيف ما يبرى صويب العين أبد

خالد الفيصل

امسح الدمعة بعمرى لوتبي

عطّني احزانك وخذ مني هنائي

خالد الفيصل



أشتكي لوسادتي دنيائي واسمعها تنوح

كنها بعضي وبعضي وين هو منهو معه

أسير الشوق

أحبك كثر ما ينسى زمانه مستريح البال

وأحبك كثر ما قلب المسافر حنً لتراه

نايف صقر

أنا لا جيت أبنساه التوى بي

خياله وانهمر دمعي يهلي

خالد الفيصل

ارمي بروحي في بحرُك الزلالي

وتنسفني أمواجك على يابس الجال

عبد الله الفيصل

أنت الذي حطيت بالجوف رمحين

رمح العيون ورمح وردي شفاتك

خالد الفيصل

أون وكل يحسب اني أغني

عليل وكل يحسب اني مداوي

خالد الفيصل

انتي كما بدر على صفحة الما

له صورة عندي وهو بالسما فوق

بدر بن عبدالحسن

آه يا من ونّ ونّات القهر

من جروح ساطيه بأقصى الضمير

محمد بن راشد آل مكتوم

الحذر ما يفيد وان جاك القدر

الموده تبتلي عود وصغير

محمد بن راشد آل مكتوم

أقول في نفسي وأنا أعايد الناس

متى بشوفك تكمل أفراح عيدي

سعود بن بندر



إذا حكى تحس في هرجه برود

برد يولع في الحنايا جمرها

سعود السبيعي

الموت حظ القلم والمجد للدفتر

حبر القلم غلطتي وإيامي أوراق

نايف صقر

المال كم ساس طمان وعلاه

والفقر كم حطم روابع سنافي

حمد هادي المسردي

أنا أحمد الله بأن عيبك وخليتك

وطيت حبك بالقدم قبل ياطاني

سعود بن بندر

إن طلبت الغلا قلت الغلا جاك

وإن سكنت الخفوق البيت بيتك

مساعدة الرشيد

أنتي التقاء النور مع نرف ديمه

تخيلي حبة مطرفي وسطها نور

محسن الدويخ

الله أكبر لا شرقف شمس يتلاها زوال

كيف ابفرح في صباح مع الليال استوى

حامد زبيد

الكوكب اللي تقول الناس يا صغره

من كثر ما هو بعيد وشوفهم قاصر

بلدرين عباد الحسن

انت لو ضميت تمثال من ضميتك ذاب

كيف لو ضميت قلب على ذكرك يذوب

سعد علوش

انا ما كنت أهيم بك عاقل انا كنت أعشقتك بخبال

انا ما كنت أحبك حي انا كنت أعشقتك هالك

حامد زبيد

أغليه بس أشلون لا تسألوني

الحب من ربي يجي ماله أسباب

خالد المريخي

أحبك لو يموت الحب وتصير القلوب قبور

أحبك كلمة لو حرّموها حلّ تفكيرى

مساعدة الرشيدى

المشكلة أنى لا تعاندت وياه

قلبي وهو قلبي يوقف بصفه

خالد المريخي

اللقاء في سكتي وتقول أرض الله

أنسى خيالك وتجبرني على طيفه

سعد الخريجي

الحب عظمّ صورتك في خيالي

ولا أنت ميت قلب ما عندك احساس

علي القحطاني



اضحك وعطر ربيع العمر بأنفاسك

الجو محتاج للجوري ونفحاته

مهديح الحسن

الحب يبست في يديني زهوره

ومن الأسى يبست عليها يديني

تركي بن سعود بن محمد

أنسى ليا من عيونك سلهمت فيني

لكن فيها سحر هاروت يهدالي

خالد الذياب

أهيم في صوتك وهمسك ولقياك

حتى مع الأحلام مقدر أخونك

مساعدة بن جبران الغازمي

أجيك لامن تأكد إنني علاجك

ما هو محبه ولكن شيمة فيني

صالح الشادي



أحبك ولا تسأل حبيبي عن الأسباب

أنا لو أعرف أسباب حبك قدرت أنهيه

حمد السعيد

الأرض أنا وإنتي غديتي لي الشمس

ما طيق بعدك واحترق لا قربتي

طلال الرشيد "العطيب"

العين مثل السجن والدمع مثل الأسير

وكم دمة من قهرها غادرت دارها

عقاب العهاني

الشيب ما به عيب ما به عذاريب

لا شك عيبه يطرد البيض عنا

طلال السعيد

انا شبابك لاغزى راسك الشيب

وانا عضيدك لو تجور الليالي

مساعدة الرشيد

اظمأ ولا أرجي حاسدي شربة الماي

لا قرب الله من يد النذل شربي

ناصر القحطاني

أهون علي أعيش جسم بلا روح

ولا خضوعي في يديك دقيقه

طلال السعيد

أنا للنار في صدري سنايا موطن الإبداع

وأنا ما أقول لا يكتب ولكن ليه يمحي

عبدالله ذويبان

البيرق اللي على قمة جبل طارق

عار حنى الهامه اللي طال عاتقها

ناصر القحطاني

أبي أشوف العيد في مقلتي

واركب لقلبي جناحين وأطير

حمدان آل مكتوم "فراع"



اجمع له سمان الهرج خوفٍ من التقصير

ولا جيت أبشر له كلامي تهيزلته

سعد بن جلال

أشهد أن من يفعل الطيب في اللي ما وجود

مثل من حجج على غاريه ذبّاح ابوه

حمد السري

انت لو طحت من عيني بقلبي مطاحك

كان ما شالتك دنياي روعي تشيلك

فيصل بن طوالة

آه يا برق يلوح ولا سمعت رعوده

كل ما تضحك يلوح البرق بين شفاها

سلطان الهاجري

الكحل خلّه في عيونك وسايده

يشرب من رموشك سواد يزیده

راشد بن جعثن

إن قلت أو ما قلت ردي كفايه

خل الفراق يحل كل المواضيع

طلال السعيد

أدري أنه كثير اللي وقف ضدي

بس ملح الغرام بكثر عذآله

مناحي العوفي

أجرح بحد العيون السود من قدك

وإن كان لك دين خل العين تستافي

صيدان المريخي

الشعر طفل خلق مني وأنا منهُ

يا مخبلك كيف تفصلني عن احساسي

الراسية

أحيان أجي ضدك وأجي بصفك أحيان

تطيح من عيني وقلبي يشيلك

بلدر المليحي



اقبلي يا أعذب النور والما والملا

وادخلي من حيث ودك ترا قلبي أمان

محمد صلاح الحربي

أقسى من الهم والحرمان والذكرى

احساسي أنك لغيري وانت في يدي

فرح صباح

إن مشى بين المعاليق قلت الله معاه

وإن وقف وإلا عثر قلت بسم الله عليه

رشيد الدهام

ألي تهرب من مواجهه سنيته

يلقى على دربه سنيته تحرأه

ناصر المطيري

أحسك كل ما أغمر في حناني غالي عيالي

إلى ضميت أنا اصغرهم أشوفك بينه وبينني

طلال السعيد

إن عافت الكبد تفاحة ثناياك

لا عليها لا عطوها الما تعافه

ممدغم البوشييه

أحبك لو عجزت القا لوصلك بالحياة دروب

أحبك لو حكيم العشق مات ولا صدق ظنه

عهود بنت خالد

إن غبت عني شعرت بلذة طعونك

وان شفت زولك شعرت بقيمة عيوني

فهد الساعدي

بأما كتبت أغلى الأمانى والاحلام

لا واخساره يالكتابه على الما

سليمان المانع

بأبكي على زولٍ عشقته عشاقه

ترى البكا للأقويا زود قوه

سعد علوش



بدلت قلبي حجر من شان نسيانك

يوم أني اشتقت لك صاح الحجر وينك

فيصل بن طوالة

بسافر بعينك وأعانق موانيك

صحيح من قال السفر له فوايد

محمد عويضة

بعض الجروح ان جات من اغراب عادي

الجرح موت الجرح إن جا من احباب

عبد الإله المطرف

تخطي علي واستسمحك واترجاك

ضعفي هواك وفطنتك ما تخونك

سعود بن بندر

تخوفني مشاوير الطريق المظلم المهجور

واليا مني ذكرك قلت طولتي يا مشاويري

مساعدة الرشيد

تقول ساعدني وانا اقول وشلون

لو أقدر النسيان ساعدت روعي

سعود الفهد

تكرم البسمه اللي منك تكفيني

كيف انا ديك عمري والعمر فاني

سعود بن عبد الله

تمنيك البارح على هجعة العربان

أبا اسهر معك في نور أخوك القمر ساعه

عبد الله الفيصل

تحاصرني العبره ومن ضحككتي تحتار

تقول الشقي وشلون يضحك وهو داري

أغاريد السعودية

تكلم فالبحر وتقول ما أحبه من الأملاح

وهي فيها من الملح الذي يغني مشافحه

مشعل بن محيا



تسابقلك بيوت الشعر واتعزز مواقفها

واعدها على ذوقك على ما كنت تامر به

مشعل العبار

ترى لو شفت لي ظل ومهابه في عيون الغير

ترى كل الزهاب اللي معي جرحي وسكيني

مساعده الرشيد

تفضل والدروب الواعده مطمئنه

خذ اقصر درب بين الخافق وشريانه

محمد الربيع

تنسى جروحي وتسأل عن كلام جديد

شوف الجروح وتذكر وش بقى من كلام

أبعاد التركي

تخنقني العبره ليا جيت أبnsاك

ما هو بذنبي لا نسيت وذكرتك

عطا الله فرحان

تخطي عليّ واستسمحك واترجاك

هويت غلطاتك كثر ما هويتك

خالد المريخي

تمشي تمايل كنّ دروبها عثره

إن هملجت مغريه وان وقفت تغري

خالد بن هيف

ترفِ تقول بتطلع الشمس ويذوب

ويذوب الدنيا وهو ما بعد ذاب

عبد الواحد الزهراني

ثراي ما ينشد الغيمة متى تمطر

ما دامها في سماي تحن لغراقي

نايف صقر

جرح ارتحالي ما تضمه مدينه

عائش غريب ومسكني موضع أخطاي

سليمان المانع



جيت بحياتي مثل عمي وخالي

ما اخترتهم وأغليتهم مثل ما أغليك

هلال المطيري

جرحني مثل جرح الثرى من غزير السيل

رمانى مثل ما يرمى بالي اللبسي

عابرة سبيل

جفاها عشق والعشاق عطشى للجفا واحيام

يموت العشق والعشاق عطشى والجميل الها

عبد الله فيحان السمييري

حققوا بالشوف في لون الشفات

هو خذا منها الشفق ولا عطاها

ظلال الرشيد

حظ الحمامه تلقط الحب وتحب

شفة فتاة ربها الي قبلها

خالد بن سعود الكبير

حبي لك أبلغ من جميع الأساطير

ما له بقاموس الهوى وصف ثاني

سعود بن بندر

حنا اليا احتكت ثم اصطكت نوادي

نجيب القول ما سجل بلنتي

خلف بن هذال

حلفت لك باللي خلقك وحياتك

في شوفتك سجل لي الوقت ميلاد

سعود الفهد

حبيبي اللي قمت أسولف به على أغصان وثمر

واثر الحديقة كلها ما احتاجت لتذكيرها

ناصر القحطاني

خلوني أسج عن موضوعه أحسن لي

ولا الغلا والله ان يبطي وهو غالي

سعد بن جلال



خذني معك عاشق مجنون في ليلي

وإن كان لك قلب خلني قلبك الثاني

النايفه

خطاك أنك تصدقني لا من قلتك بنساک

أنا لو نسيت الحمد قلبي ويش أصلي به

سعود الفهد

خذ راحتك ما غير أنا وانت والليل

والليل مامون على سر الأحباب

عناد الطيري

خل جيوشه بالمحبه غزتني

وانا أسير للعيون العفيفه

السامر

خيرني أمري بين أصعب خيارين

موتي أنا أو موت الاحساس فيني

طلال الرشيد

دام الحشا بيتها وانا مدلعتها

وش دخل القلب يزعل يوم توجعني

ضيدان بن قضعان

دنياي انا لو تجتمع لذاتها في مكحلة

والله ما اشهر لأي عين غير عينك مرودي

ناصر القحطاني

دخيلك لا انقتل شاعر وش اللي ينكسر بالكون

سوى زهره وعصفورين وقلب وناس ديانه

سليمان المانع

رح وين ما تشتهي رح قد ما تقدر

أنا أول الناس في قلبك وانا الباقي

نايف صقر

راعي العيون السود في رمشها في

وان سلهمت ذاب الحشا من حنينه

بلدر بن عبدالحسن



رحت أسولف للجبال الصمّ عن قصة رحيله

ما تركت متونها الا ينحت الدمع بصخرها

حامد زيل

راعني خالٍ بوجنتها ثقل عبدٍ مسبي

حارس روض الزهر من كل يمنى مجرمه

محمد الدحيهي

زين فتن قبلي الي يلبسن الحجول

وش عاد بيقول فيه منكسين العقال

ناصر الفراعنه

سجد قلبي على رمل الضلوع وهزه التنهيد

وخيام الندم والخوف في داخلي منصوبه

نايف صقر

سهله على من كان مثلك وشرواك

مثل الثياب يغيرون المبادي

متعب التركي

سمعتك جملة فيها حكم بلسان أبي تمام

وحكيته قصة مجنونها هبل بعقلها

عبد الله فيحان السميري

سكن فيني تربع مهجتي والصدر والأضلاع

مراكبه المحاني وان بغى يرقد شراييني

عبد الله ذويبان

سافر وخل أحزان عمري تخاويك

يمكن معك تلقى حلول لضياعي

نابض الرشيد

شفت حبك مثل دمع جرح جفني وساح

ان مسحته وان تركته جروح في جروح

منادي

شفت السواد ينادي بعينك الليل

هي من سواد الليل والليل منها

السامر



شفتها مثل الجريمة وابتليت ابها بليّه

غلطة جيت أتحاشى ظلمها قلت ارتكبتها

حامد زيل

شريته في زمان البور والقيمة ثلاث أرباع

واشوفه في زمان العز بالربعين يقصيني

عبدالله ذويبان

شعري موت وصاحبه حي ما زال

وشعري تجاوز مرحلة شخص لشعوب

صنيتان المطيري

صحيت جمره وذاب الشمع والسكر

وشلون ما اتذكرك وتمرّفي بالي

نايف صقر

صارت حلوم الليل عندي وسيلة

أشوفكم يا أحباب وانتم بعيدين

علي القحطاني

ضاعوا اللي جو معاها مسيرات

واقبلت تمشي ثقل محد معاها

طلال الرشيد

طحت في حب العيون السود كلي

ومن عثر في رمش عينك ما يقومي

السامر

طفولة ميتة فيني بغتك تجدد أيامي

تركت الذاكرة لك لو تبي تاخذني لمهدك

هيفاء خالد "الكروز"

طقوا خيالي كل ما غبت طقّوه

مقدين في ظل هزمكم لحاله

راشد بن جعثن

عيونك آخر آمالي وليلي أطول من اليم

كيف ألقى كلام عذب يوصف دافي احساسي

عبد الرحمن بن مساعد



علمتني دمعتي سر السعادة

يوم جربت الشقا ميزت نوعه

طلال السعيد

عين تشربك شوف وعين تظماك

لا ذبحني ظمأك ولا رويتك

مساعدة الرشيد

عبث نكتب مشاعرنا قصايد والعنا مولود

ربا داخل محاجرنا وصرنا نعشق أحزانه

فيصل العبدواني

على شاطي الهدب هذا أبسهر للهوى واسلى

دقيقة حب لو صارت سنيني الباقيات جروح

محمد الهاشمي

على تايه مواعيدك من البارح وانا سهران

بغيتك للسهر مثل المنام وطحت من عيني

ضيدان المريخي



عشتك انسان ثاير ما بدمه برود

مغترب في عيونك وانت أقسى بلاد

تركي المشيقج

عجرت مرايته فيه تشبه

حاولت فيه ما قدرت تجيبه

فهد عافت

عطني أحزان قلبك وخذ مني وداده

عش حياتك سعيد وخلص غيرك يعاني

منادي

عطيتني وجهك وانا جيت كلي

محروم والمحروم ماينعطى وجه

سالم صليم

عزمتك في شعوري يا شعور ما تبي عزام

وجلستك على عوج الضلوع وقلت عدلها

عبدالله فيحان السميري



غديت مثل العود مشراه غالي

وغلاه لجله يحرقونه على النار

محمد ناصر السيارى

غنيت ما قصدي طرب بس سبتي

من طفلة تركض من البرق خايفه

طلال السعيد

فدوة عيونك لو غدت روح مغليك

وش عاد لو راحت لعينك عشاير

خالد الفيصل

فتنة الحفل زيدي مشيتك بختره

كل خطوة بروق وكل نضحة صهيل

فهد عافت

فمان الله سق ركبك على درب السنين العوج

ولكن طالبك لا أقفيت عني لا تخليني

صبيد ان بن قضاة

في غيابك الناس ماتت وانت الباقى

لأنك الغالى اللى يذبح فراقه

حمدان آل مكتوم "فراع"

في غيابك يا كم تمنيت موتك

أقل شي ارتاح واعرف مكانك

فهد المساعد

فيها غنج ساذج على ملعنة جد

على شوية شيطنه مع شقاوة

علي السبعان

في نحرها كافر لعيوني يقول اذنبى

كل ما ياكل رطب شوفي حذفني بعجمه

محمد الدحيبي

قالوا تحبه قلت ما هوب بالحيل

بس أنه أغلى شوي من نور عيني

سعود بن بشار



قالوا توادع قلت يا صعب الوداع

وشلون أودع من معه قلبي وديع

خلف بن هذال

قالوا هبيل وجايز لي هبالي

اهبال طيب ولا صحاوة رخامه

مسلطين شعيفان

قالت مشاري وصاحوا الخلق لبيه

من زينها كل الخلايق مشاري

فهد عافت

قلت رحلتنا تبي سكر وترنيمه أغاني

قالت هات الأغاني واترك السكر عليه

فهد عافت

قلت وين الحبايب قال ما هم قريب

قلت يا قلب كانوا في ضلوعي هنا

عناد المطيري



قال انا كني غريب ضيع دروب المدينه

قلت انا كني مدينة تنتظر رجعة غريب

فهد المساعد

قلبي وهو قلبي على طول ضدي

يزعل علي ويروح يضحك معاه

مساعدة الشمراني

قلبي لو اغديتيه في الصحرا بليا بوصله

ما تاخذين الا وهو لقصى ضلوعك مهتدي

ناصر القحطاني

كانها الفرقى طلبتك حاجتين

لا تعلمني ولا تكذب علي

بلدرين عباد الحسن

كل الحياة احلام والعمر رايح

طريقي بهالدنيا وغيري طراقي

خلف بن هذال

كبر حظ الصغير اليا وقف وارجعت له

وان ضحك حبه وان جاع يرضع نهدها

عبد الله السيارى

كل ماجيت أبدله عن غرامك وأتوب

جددت جرح قلبي لك هبوب الرياح

اغاريه السعوديه

كيف أتوبك يا اجمل ذنوبي واوقف عند حدي

وانت ذنب لا غفره الله ولا لي عنه توبه

ضياد بن قضيحان

كن في ضمة شفاها جمرتين بنار حيه

كل من حس بدفاها واحترق صد وقربها

حامد زباد

كان قصدك دمعتي لا تفرحين

شعرة دشت بعيني وطلعت

خالد المريخي

كل جفن من عيوني غدى بيت أجودي

لا تقضب فيه عبد من الليل اعتقه

فهد عافت

كل ما طالعت في عيونك أضيع

دارت الدنيا وصار الشرق غرب

علي مساعد

كل مادعيت الله يجيبك زدتني ببعاد

رح الله لا يردك يمكن الدعوات مقلوبه

عبد المحسن بن سعيد

كنت في عمري يقين وصرت لاحساسي قناعه

من شرب صيفك وضم شتاك يستاهل ربيعك

ناصر السبيعي

كل قضاء يموت مره ويفداك

وانا أموت الذين مره على شانك

طلال الرشيد



كنت القريب وكلهم كانوا اغراب

حتى القمر لا غاب شفتك محله

عطا الله فرحان

كن السهر درب عليه بتجيني

ما ودي اقطع درب لاماك برقاد

بدرين عبدالحسن

كرهني بنفسك ولو بذنب صغير

ألقي به اعداري واعود لزمانى

سعود بن بندر

كل يقول الزين كله بخلي

أكيد ما شافوا من الزين حاجه

السامر

لا هنت يا راس الرجاجيل لا هنت

لا هان راس في ثرى العود مدفون

خالد الفيصل



لا يطوّل غيابك ثم آخذ عليه

لو تخلّيت عني عنك قلبي ما تخلّى

خالد الفيصل

لو ما الزعل ملح ما صار الهوى حالي

ولو ما لسانك غسل ما سورّه نابك

خالد المسعودي

لو تستحي دمعتي من ضحكة سنوني

ما كان حطت بنون العين ماريّه

سلاح

لا شك أحلى مرّ للنفس يسقا

حلو تحس بلدته وما تذوقه

فالح الدهمان

لولا عقلك كان اشبهك في ريم الفلا

ولولا قلبك كان يمكن ذكرت الخيزران

محمد صلاح الحربي



لولا الخطأ محد عرف قيمة الصبح

ولولا الصحيح يصح جات الفضايح

حبيب الغازمي

لا بوك لا بو من ترجى حنانك

لا بو قلوب في الهوى تشكي الضيم

سعود السبيعي

لو أحكي بحبك دخلت بمتاهات

والحب نفسه لو عرف يحكي أقنعك

عبد الله الراشد

لو يصب البحر داخل عيونك غرق

شف وانا إنسان كيف أحظى برمشك وانا م

ناصر السبيعي

لا صرت ظلي بعد وش همني يا خي

الحزن والدمع واللوعات عدني

النايفه



لا جيت أبهرب من عيونك تراجعت

وشلون أبهرب والمسافة عيونك

متغلية

للموت أنا لك حبيبي صورة حيه

ميت بحبك وحبك صرت أنا أسعى له

حملان آل مكتوم "فراع"

ليتك بقيتي حلم في عمر الأيام

ولا عرفتك في حياتي حقيقة

عناد الطيري

لو جمعت أيام عمري من فرح

ما تساوي لحظة من وقتي معك

مجازف

ليته قبل ما يفارقني حفر قبري

أكون أهون للقبر من حزن غيره

ملاك الوافي



للعين دمه و لكن دمه القلب غير

يكفي اليا جت تطيح يطول مشوارها

عقاب العماني

لا مرني طيفك أضمه حيل بأحضاني

وشلون لاجيت عندي وشافتك عيني

علي مساعد

لوفات لك بالعمر تسعين ما شنت

في عين نفس علقت بك رجاها

عبد الله الفيصل

لو عيوني غيم واهدابك محاجر

ما ظما رمشك تحت دمع بكيته

نايف صقر

لو عذب الغالي لذيذ عذابه

السيل يجرح بالوطا قبل يحييه

الجهدي الحربي

لا غاب عني يعيش الفكر مع طيفه

وان صار عندي حياة الحب ألقاها

سعد الخريجي

لا جيت أنادي غيرك أسهى واناديك

غصب علي اليا طروك أتجلى

خالد المريخي

ليت ممالك في حياتك لا خوي ولا طليب

كان أخشك وسط خافقي وأقول ضاع

سعد علوش

لا جميل شفت قبله ولا بعده جميل

العذارى رهن رمشه وأنا رهن اصبعه

حامد زليد

لو عشت عمر شعيب وانت بمهونه

ضايع وما تقضي من العمر ضايع

خلف بن هذال

لو الرجولة بالمظاهر والاشكال

كان العذارى عقبنا الضناجيل

سلطان علي العتيبي

لا تهل الدمع الله يجازي ظروفك

لعنوا الدمع فعيونك يزيدك حلا

علي مساعد

لو غدى العاقل مع العاقل خصيم

سيقت شيوخ القبائل للقصاص

علي بن حمري

ليت الجفا زله وادور لها دمع

ليت الغرام جروح وانسى عددها

نايف صقر

لا تخالط سواد الكحل مع دمع عينك

عظم الله أجر النور ويا الهلال

علي مساعد

لا متى ذبح العرب عندك حلال

تأبت العالم متى عينك تتوب

بلد بن عبد الحسن

لي في عذاب الحب رحمه ومصلوح

عذابك ارحم من نعيم موالي

السامر

ليت العذول يكف عذل فيك

ياخذ عيوني لجل منها يشوقك

محمد بن راشد آل مكتوم

لو للزمن عن نية الغدر شيمة

ما فرق احباب ولا بعد اوطان

بلد بن عبد الحسن

لا تزيد طعوني أوجعت الخناجر

ما بقى عرق بقلبي ما ثنيته

نايف صقر

مثل النخيل خلقت انا هامتي فوق

ما اعتدت انا احني قامتي الا في صلاتي

بلربن عبدالحسن

مهما يقولون مهما صار مهما تم

انت البدايات وآخر ساحل ومينا

أسير الشوق

منهو حبيبك غايتي بس أهنيه

على حسن حظه عشانك حبيب

سعود بن بندر

من دون صهيون بذتنا صهاينا

تكفر بالاسلام وتركز كماينها

خلف بن هذال

ما قلتك عمر سيف العشق ما يقتلك

ما تشوفني حي قدامك وأنا اموت فيك

مساعدة الرشيد

ما دام كل من يحيى على وجه التراب تراب

عسى تنساني الدنيا ما دام انتي ذكرتيني

حامد زيلد

ما عاد تخذعني عقب ما بدالي

وان عدت فيما عفت مانيب رجال

عبد الله الفيصل

ما بين بعينك على كثر ما جاك

لا واحسافه ليتني ما عطيتك

خالد المريخي

مثل ما تدفن الموجه تعبها في رمال السيف

مثل ما تغري النار الفراش ويحترق فيها

ماجد الشاوي

مدام أن الزعل مثل الرضا ييقيك في بالي

أنا مزعل ولا أرضى منك أنا ازعل عنك وارضى بك

فهد عافت



متى القمر والشمس والنجم والبرق

تهزم جبينك يا صعيب المواجه

سعود بن عبد الله

مره لبستي الحب مره فصختيه

هذا الهوى لا تحسبينه عباتك

طلال السعيد

مهما يطول الليل فيك أنت مسراي

ولو تشرق بشمسك غدى الظل اشافيك

زين بن عمير بن زين

ما عاد لي عمر به الحظ ينقاس

في بحر حبك ما لقيت المراسي

محمد المري

ما مسيت لي مده وأنا على نارك

تطفي وانا مشتعل وانتة ولا همك

عبد الله حليجان



ما هوب انا اللي يعود حين ينده له

أصعب من اقفايتي لا اقفيت مرجاعي

هلال المطيري

ما هو غريبه موت منهو يشوفك

بس الغريبه من يشوفك ولا مات

زيد بن غيام

مليت أكفر اخطاء ما هي أخطائي

وادري براعي الخطا واقول من هو له

عابرة سبيل

ما قلت أحبك إلا انا صادق وابضرب لك مثال

إني ذكرك يوم حتى أهلك وهم أهلك نسوك

عبد الله الراشد

ما أنكر إنك كنت قمة فالأخلاق

حتى طعونك كنت تطعني بذوق

خالد بن هيف

ما عاد لي قلبٍ حتى ياخذهُ غيرك

أفنيّت كل المشاعريّا معذبها

متعب التركي

ما يجرح الرجال غيرانه يشوف

أخس خلق الله ياخذ مكانه

طلال حمزة

ما هقيتك يوم الأجساد تسترها الثياب

بالجفا عريت صبري وعريت اجسدي

مطلق بن شويه

من بعد ما كنتي أنتي في حشاي أغلى سجينه

بأوعدك بأطلق سراحك واتهمني بالإدانه

حامد زباد

ما أقول شفته وشفّت البيض يتلنّه

أقول شفته وشفّت الشمس منجومه

مساعده الرشيد



من دون دمعي سيوف الرمش مسلولة

والله ماقد ذرفته حتى عند أمي

أسيرة الصمت

نسيتي من نسي الدنيا ولكن ما قدر ينساك

ولو نفرض نسيتيني شعوري كيف تنسينه

منادي

نصف زين الخلايق في عيونه

وباقى الزين في باقيه كله

خالد الفيصل

نويت مرباع الغضي سيد الأحباب

قصدي يزول الجرح زاد التهابه

سعد الخريجي

هدمت الدار من قل الحصى لأجل أرجم الخلان

وقتلتن النور من كثر الجفا بافارق ظلالتي

بدر بن عبدالحسن



هلا باللي أحبه كثر تعذيبه

وكثر ما هو يغيب وكثر ترحابي

عبد الرحمن بن مساعد

هذور المجالس راعي المدح والسبي

وهو بالخلا لو جاء بنت خذت ثوبه

سعد بن جلدان

همست وقلت لا تخافي على بحر العيون السود

على شط الكحل مرّيت وهذا موضع اقدامي

بلد بن عبد المحسن

ودي أشبع منك شوف ولا حصل لي

كل ما ناظرتني ضاعت علومي

السامر

وصفك أرض بها خيل الكلام

ملّك الركض واتعبها العدي

نايف صقر



وان دندنت طيلة الحرَّاب دندنا

بآيات حق علي وبلال دندنها

خلف بن هذال

وجع شوق وجع حب وجع فقر وجع ضيقه

على كيفك وهاك اختار وهذي سلة أوجاعي

سليمان المانع

وجد من قفى وهو في رجا كلمة تعال

والتفت من عقب ما أقضى ولا احد لد فيه

ضيدان بن قضعان

ورده وتقطف من ورود البساتين

أثر الورد احيان تقطف بعضها

سعود الفهد

ولك نور وجه كن لك بالنجوم انساب

وليل عجز من طوله الكف لا يسريه

حمد السعيد



وقتٍ مضى ملمس اللعبة تمنينه

واليوم خضر القلوب العاب منتوره

ناصر القحطاني

وين أنت قبل اللي مضى من سنيني

يا مسعدٍ باقي حياتي بالأفراح

غيوض

والله لارمي حظٍ أغبر على القاع

إما نبت واخضر ولا دفنته

محمد النبيع

وشلون ما أصبح بأسمك واكشف أوراقِي

واسمك مثل حلم ماني قادر أصله

نواف الدبل

وان شرعت من طرفها صافنات الجياد

شفت الأوادم على السكه تجر الطوال

ناصر الفراعنه



والله ان عينك تجيب اطلق ولد

ينطلق من رمشها الموت الذحاح

فيصل الرياحي

يا ام الحسن لو في الحزن حس وشعور

ما كان يكتبني قصيده قصيده

ناصر بن كروز

يا حسين ما يشكي من الوقت رجال

انا أعرف رجالٍ شكى الوقت منها

سالم سيار

ينجرح قلب لكن ترتفع هامه

والله إني لموت ولا انحنى راسي

مساعده الرشيداني

يا جرح بداخلي لحفتك ضلوعي

ميت من البرد قم يا جرح لحفني

صنيتان الطيري

يا ليت عمر يسابقني على شوفك

يلقى حضورك بعد ما جرب غيابك

نايف المطيري

يا حبر شوقي وريشة حب اتحدى الخلود

ليش توئد روح في محبتها وليده

أمانى السمان

يا العنبوك من الترف والنعمه

كن النسا مسترجلة من حوايك

زيد بن غيام

يا بوعيون بخمر الحب سكرانه

يا جرح كبدي عليك ويا فري جيبى

سعد بن جلالان

يا مدور أهل المحبه ما تضيع

انشد عن الهم تلقاهم معه

راشد بن جعثن



يا ناس أحبه وأحب أسمع سواليفه

صوته يشنت هموم عايش فيها

سعد الخريجي

يا وطننا يا وطننا عمت عين الحسود

ما تهزك لا زوابع ولا غدر عملا

خلفا بن هذال

يابنت انا ماني على خبرك العام

هاتي بلادي واخذي العمر كله

طلال السعيد

يا سحاب على العارض نشا

هيض القلب سيله والمزون

سعد الخريجي

يا مغير في عيني أصل العلاقة

تخيلاوا عدو يعشق عدوه

سعد علوش



يا روحي أحيَا بك وحنًا غريبين

ما نيب أشوفك وانت يا روح ذاتي

خالد الفيصل

يا بنت انا للشمس في جلدي حروق

وعلى سموم القيض تزهر حياتي

بلدرين عبدالحسن

يا كيف بعث اللي بروحه يداريك

وانته مريح البال ليك ويومك

محمد بن راشد آل مكتوم

يا ليتني بينك وبين المضره

من غزة الشوكه الى سكرة الموت

سعود بن بندر

يا شينها لا صرت بين اختيارين

مستقبلك ولأ حبيب توده

سليمان المانع



يقول بس الزين فيني عيوني

وأقول أنا هذا بلى أبوك يا عقاب

خالد المريخي

يقولون لا ضاقت عليك الوسيعة غنّ

وأنا أقول ما شفت مقرد الخلق وش قالت

مساعدة الرشيد

يا لله بأمانك من النكبات تامنا

والدار بحماك تمنها وتامنها

خلف بن هذال

يا شيخ جابر لك الله ما تهاونا

الفهد يكّد لك العوده ويضمنها

خلف بن هذال

يا دموعه ليه بينّ لي خضوعه

ليه يجرح كبرياءه في رجوعه

طلال السعيد



يا سعود عقب غياب عامين وشوي

جتني تشاورني (بقصة شعرها)

حمد السعيد

يا ليت حبي له مجرد لقافه

يطري عليّ لا أمسيت ولا أصبحت ناسيه

نايف العويمري

يا علي لا الشعر عبدي ولا هو سيدي

صاحبي له من جنوني ولي من منطقه

فهد عافت

يقولون راعي الحب الأول غلاه يزيد

أجل كيف لا صرت أول الحب والتالي

مبارك شافي الهاجري

يحق لك عني تلوذ بخواتك

ريم الفلا ما هو على الناس معتاد

سعود الفهد



يا شينها لا صرت مطعون بكفوف الدخيل

في ظهرك اربع خناجر وفي الصدر أربعة

حامد زيل

يا كثر ما قرئت في نظرت هات

ويا كثر ما في نظرت أبشر قراني

نايف المطيري

ياليت لي جرح وينشاف دمه

مير البلا من جرح ماسال له دم

مانع القبيع



الخاتمة

في خاتمة هذا الكتاب ، أتمنى أن يكون هذا الإصدار قد نال استحسان القارئ الكريم ، خاصةً من المهتمين والمتابعين للشعر النبطي « الشعبي » .

وكلني أمل أن يكون هذا الإصدار مقدمةً لإصدارات أخرى عن هذا الأدب الجميل ..

وأرجو أن يلتبس القارئ الكريم لنا أي خطأ غير مقصود ورد في هذا الكتاب .

ويسعدني أن أقبل آراء وملاحظات واستفسارات الإخوة القراء عن هذا الإصدار على العناوين التالية :

ص.ب ٥٣٢٦٠ الرياض ١١٥٨٣

البريد الإلكتروني: Nmf777@maktoob.com

نايف بن مطلق الحداري

